

piceo-nigris, trochanteribus, $\frac{2}{3}$ apicalibus femorum anticorum, magis quam dimidio apicali intermediarum apiceque angusto posticarum, tibiis tarsisque flavo-testaceis, tibiis posticis basi nigro-piceis, apice articuli ultimi tarsorum cum unguiculis nigro; capite formae brachypterae basi pronoti paullo angustiore; pronoto disco postico leviter transversim strigoso. ♀. Long. $1\frac{3}{5}$, lat. fere 1 mm.

Puebla, m. Januarii 1871, tria specimina.

Species a reliquis colore antennarum et pedum mox distinguenda. Caput ab antico visum latitudine cum oculis fere paullulum longius, a latere visum altitudine fere dimidio brevius, clypeo basi a fronte bene discreto, basi ejus in medio altitudinis capitis a latere visi posita, genis oculis aequae altis, gula brevi; vertice (♀) oculo fere duplo latiore, ante marginem posticum tenuem transversim depresso. Oculi fusci. Rostrum coxas posticas attingens, labro tenui. Antennae paullo supra apicem orbitae interioris insertae, articulo primo apicem clypei attingente, secundo margini exteriori corii aequae longo. Pronotum formae brachypterae horizontale, planum, basi longitudine parum magis quam duplo latius. Hemielytra laevigata, longius tenuiter pallido-pubescentia, formae brachypterae tota coriacea, basin segmenti penultimi dorsalis paullo superantia, apice leviter oblique truncata; formae intermediae (macroptera mihi ignota) apicem abdominis subattigentia, cuneo membranae discretis, declivibus, sed brevibus, membrana apicem cunei haud superante. Femora postica sat fortiter incrassata.

Lopidea mexicana Dist.

Unicum specimen.

Hadronema militaris Uhl.

Chapultepek, Sanct Marcos, Tacubaya, m. Aug.

Hadronemidea nov. gen.

Corpus oblongum, opacum, longe pilosum et ciliatum; capite verticali, pone oculos brevissime constricto, basi pronoti angustiore, a supero viso pronoto circiter $\frac{1}{4}$ brevior et longitudine sua duplo latiore, ab antico viso latitudine cum oculis fere paullo longiore, infra oculos longissime rostrato-producto, vertice marginato, margine late arcuato, fronte valde declivi, leviter convexiuscula; capite a latere viso altitudine duplo brevior, clypeo perpendiculari, leviter prominente, lineari, angulo faciali recto, genis altissimis, gula subrecta, brevi; oculis laevibus, parvulis, globosis, exsertis, ab apice pronoti distincte remotis, in genas ne minime quidem extensis; rostro apicem coxarum intermediarum attingente, articulo primo medium xyphi prosterni attingente; antennis paullo infra apicem oculorum interne insertis, corpori cum hemielytris aequae longis, articulo primo apicem clypei attingente; pronoto leviter transverso, lateribus ampliato, marginibus lateralibus acutis, versus apicem fortiter rotundatis, sat fortiter convergentibus, angulis basalibus subrectis, margine basali medio levissime sinuato, disco scabro, versus apicem sat fortiter declivi, apice strictura destituto; scutello pronoto brevior, plano, basi obrecto; hemielytris (♀) parallelis, longis, commissura clavi scutello duplo longiore, commissura corii brevissima, cuneo levissime declivi, latitudine basali longiore, membrana biareolata, vena cubitali tenui, brachiali crassa, elevata, areola majore elongata, angulo interiore apicali rectangulari; xypho prosterni marginato, mesosterno brevi, metastethio orificiis destituto; coxis anticis apicem mesosterni subattigentibus, posticis ab epipleuris hemielytrorum longe remotis; pedibus longis, pilosis